

## ხელშეკრულება 02-09/169

SMP მოდულში რეგისტრაციის ნომერი - SMP170003085

ქ. ბათუმი

25 დეკემბერი 2017 წელი

ერთის მხრივ, ა(ა)იპ „სატრანსპორტო ინფრასტრუქტურის მართვის სააგენტო“ (მისამართი: ქ. ბათუმი, მელიქიშვილის ქ. N81, ს/კ 445405348), წარმოდგენილი მისი დირექტორის გიორგი ჩხეიძის სახით, (შემდგომში "რეგისტრანტი") და მეორეს მხრივ, შპს "კავკასუს ონლაინი" (იურიდიული მისამართი: ქ. თბილისი, ვაჟა-ფშაველას გამზ. 71). წარმოდგენილი .ge დომენის ადმინისტრატორი ია ფერაძის სახით (შემდგომში "ადმინისტრატორი") არსებული მინდობილობის საფუძველზე "რეგისტრანტი" და "ადმინისტრატორი" შემდეგში ერთად წოდებულ როგორც "მხარეები" ხოლო ცალკე როგორც "მხარე", ვმოქმედებთ რა თითოეული ორგანიზაციის წესდებით მინიჭებული უფლებამოსილებისა და საქართველოში მოქმედი კანონმდებლობის საფუძველზე ვდებთ ამ ხელშეკრულებას და ვთანხმდებით შემდეგზე:

### მუხლი 1. ხელშეკრულების საგანი

ვებგვედრზე ([www.registration.ge](http://www.registration.ge)) რეგისტრანტის უფლებამოსილი წარმომადგენლის მიერ შევსებული განაცხადით მოთხოვნილი ინტერნეტდომენური სახელის „[batumitransport.ge](http://batumitransport.ge)“ რეგისტრანტისათვის წინამდებარე ხელშეკრულების, "GE დომენის რეგისტრაციისა და სარგებლობის წესებისა და პირობებისა" (როგორც ეს გამოქვეყნებულია საიტზე [www.registration.ge](http://www.registration.ge)) და საქართველოს კომუნიკაციების ეროვნული კომისიის 2006 წლის N3 დადგენილების ელექტრონული კომუნიკაციების სფეროში მომსახურების მიწოდებისა და მომხმარებელთა უფლებების დაცვის შესახებ რეგლამენტის შესაბამისად, დროებით სარგებლობაში გადაცემა. შესყიდვა ხორციელდება გამარტივებული შესყიდვის საშუალებით, "სახელმწიფო შესყიდვის შესახებ" საქართველოს კანონის მე 10<sup>1</sup> მუხლის მე-3 პუნქტის „ა“ ქვეპუნქტის შესაბამისად. (cpv კოდი – 72417000 – დომენური სახელები).

### მუხლი 2. ხელშეკრულების მოქმედების პერიოდი და ძალაში შესვლის პირობები

- 2.1. მომსახურების მიწოდება უნდა განხორციელდეს, 2018 წლის 01 იანვრიდან 2018 წლის 31 დეკემბრის ჩათვლით.
- 2.2. წინამდებარე ხელშეკრულება ძალაში შედის ხელშეკრულების თავში მითითებული თარიღიდან (მხარეთა ხელმოწერის დღიდან) და მოქმედებს 2019 წლის 31 იანვრის ჩათვლით.

### მუხლი 3. ღირებულება და გადახდის წესი

- 3.1. წინამდებარე ხელშეკრულების პირველ მუხლში აღნიშნული ერთი ინტერნეტდომენური სახელის სარგებლობაში გადაცემისათვის განსაზღვრული ყოველწლიური ღირებულება შეადგენს 30,00 ლარს საქართველოს მოქმედი კანონმდებლობით გათვალისწინებული გადასახადების ჩათვლით.
- 3.2. ანგარიშსწორება განხორციელდება საგადასახადო ანგარიშფაქტურის წარმოდგენის შემდეგ 10 (ათი) კალენდარული დღის ვადაში.

### მუხლი 4. მხარეთა უფლებამოვალეობები

#### 4.1. რეგისტრანტს უფლება აქვს:

მოსთხოვოს მიმწოდებელს წინამდებარე ხელშეკრულებით ნაკისრი ვალდებულებების შესრულება.

#### 4.2. რეგისტრანტი ვალდებულია:

- ა) გაეცნოს და შეასრულოს GE დომენის რეგისტრაციისა და სარგებლობის წესები და პირობები ([www.registration.ge](http://www.registration.ge));
- ბ) ყოველწლიურად, დროულად მოახდინოს მომსახურების ღირებულების გადახდა;
- გ) მიაწოდოს ადმინისტრატორს სარეგისტრაციო მონაცემების განსაახლებლად აუცილებელი ინფორმაცია ([www.registration.ge](http://www.registration.ge));
- დ) არ დაუშვას მისთვის დროებით სარგებლობაში გადაცემული ინტერნეტდომენური სახელით დარეგისტრირებულ ინტერნეტ-გვერდზე დაუშვებელი პროდუქციის განთავსება;
- ე) არ დაუშვას მის მიერ ვებგვედრზე ([www.registration.ge](http://www.registration.ge)) რეგისტრაციის დროს მითითებული სახელისა და პაროლის გადაცემა მესამე პირებზე;
- ვ) წინამდებარე ხელშეკრულება გააფორმოს მხოლოდ საკუთარი საჭიროებისათვის და არ იმოქმედოს სხვა (მესამე) პირ(ებ)ის დავალებით ან სასარგებლოდ;

4.3. ადმინისტრატორს უფლება აქვს: მოსთხოვოს რეგისტრანტს წინამდებარე ხელშეკრულებითა და GE დომენის რეგისტრაციისა და სარგებლობის წესები და პირობები ნაკისრი ვალდებულებების შესრულება.

#### 4.4. ადმინისტრატორი ვალდებულია:

- ა) გაუწიოს რეგისტრანტს კონსულტაცია დომენური სახელის რეგისტრაციის პროცედურის შესახებ;
- ბ) მიიღოს გადაწყვეტილება დომენური სახელის რეგისტრაციისა ან რეგისტრაციის ვადის გაგრძელების შესახებ GE დომენის რეგისტრაციისა და სარგებლობის წესებისა და პირობების დაცვით ([www.registration.ge](http://www.registration.ge));
- გ) უზრუნველყოს რეგისტრანტის მიერ მოწოდებული სარეგისტრაციო მონაცემებისა და ინფორმაციის დროული განახლება.



## მუხლი 5. მხარეთა ურთიერთვალდებულებები და პასუხისმგებლობა

5.1. ადმინისტრატორი არ არის პასუხისმგებელი მესამე პირის მიერ რეგისტრანტის სარეგისტრაციო მონაცემების (ვებგვერდზე ([www.registration.ge](http://www.registration.ge)) ნებისმიერი სახით გამოყენებაზე, რეგისტრანტისათვის ცნობილია, რომ ვებგვერდზე [www.registration.ge](http://www.registration.ge) შექმნილი პროფილიდან შევსებული განაცხადი, ან ნებისმიერი ხასიათის სხვა მოთხოვნა მხარეებისათვის წარმოადგენს სამართლებრივ დოკუმენტს, რის საფუძველზეც მხარეთა შორის წარმოიშობა მოთხოვნის შესაბამისი ვალდებულებები.

5.2. წინამდებარე ხელშეკრულების საფუძველზე ან მასთან დაკავშირებით მხარეთა მიერ ერთმანეთისათვის გაგზავნილი ნებისმიერი ხასიათის შეტყობინება ან მოთხოვნა მიწოდებულად უნდა ჩაითვალოს შეტყობინების ან მოთხოვნის რეგისტრანტის მიერ ვებგვერდზე საკუთარ პროფილში მითითებულ საკონტაქტო რეკვიზიტებზე, მობილურის ნომერზე ტექსტური შეტყობინების, ფაქსის ან ელფოსტის საშუალებით გაგზავნის შემთხვევაში გაგზავნის დროს, ხოლო ფოსტის საშუალებით გაგზავნის შემთხვევაში ფოსტაში განთავსებიდან მენ დღეს.

## მუხლი 6. ხელშეკრულების მოქმედების შეწყვეტის საფუძველები

6.1. ხელშეკრულების შეწყვეტის საფუძველია:

6.1.1. მხარეთა შეთანხმება;

6.1.2. წინამდებარე ხელშეკრულების 2.1. მუხლით დაწესებული ვადის გასვლა.

6.1.3. მოქმედი კანონმდებლობის ცვლილება, რომელიც ცვლის ან აუქმებს წინამდებარე ხელშეკრულების რომელიმე დებულებას, არ იწვევს მთლიანად ხელშეკრულების ან მისი სხვა დებულებების ბათილობას. ამ შემთხვევაში მხარეები შეეცდებიან მოქმედ კანონმდებლობასთან შეუსაბამო ან ბათილი დებულება შეცვალონ ისეთი დებულებით, რომელიც ყველაზე უკეთ ასახავს კანონმდებლობასთან შეუსაბამო ან ბათილი დებულების არსს.

6.2.1. GE დომენის რეგისტრაციისა და სარგებლობის წესებისა და პირობების 1.11 პუნქტით გათვალისწინებული რომელიმე პირობის დადგომა.

## მუხლი 7. მარეგულირებელი კანონმდებლობა და დავების გადაწყვეტა

7.1. წინამდებარე ხელშეკრულებით და მისი დანართებით გათვალისწინებული ყველა საკითხი, მხარეთა შეთანხმებით მოწესრიგდება საქართველოს მოქმედი კანონმდებლობის შესაბამისად.

7.2. მხარეთა შორის ყველა დავა გადაწყდება ურთიერთმოლაპარაკების გზით. მხარეთა მიერ ოცდაათი (30) კალენდარული დღის განმავლობაში შეთანხმების მიუღწევლობის შემთხვევაში, დამკვეთს შეუძლია ერთჯერადად მიმართოს შპს "კავკასუს ონლაინს" დავების განმხილველ სამსახურს, რომელიც, არის მისი შიდა ფუნქციური ორგანო.

7.3. ნებისმიერ დავა, წარმოშობილი წინამდებარე ხელშეკრულებიდან ან მასთან დაკავშირებით არსებული ნებისმიერი შეთანხმებიდან, მათ შორის ნებისმიერი საკითხი ხელშეკრულებიდან ანდა შეთანხმების არსებობის, ნამდვილობისა და შეწყვეტის შესახებ განხილვისა და საბოლოო გადაწყვეტილების მიღების მიზნით უნდა გადაეცეს სასამართლოს საქართველოში მოქმედი კანონმდებლობის შესაბამისად.

## მუხლი 8. ფორს მაჟორი

8.1. მხარეები თავისუფლდებიან პასუხისმგებლობისაგან აღნიშნული ხელშეკრულებით გათვალისწინებული ვალდებულებების ნაწილობრივ ან მთლიანად შეუსრულებაზე, თუ ეს გამოწვეულია გაფიცების, ომის, წყალდიდობის, ხანძრის და სხვა სტიქიური მოვლენების შედეგად.

## მუხლი 9. ხელშეკრულების სხვა პირობები

9.1. ხელშეკრულება შედგენილია ქართულ ენაზე 2 (ორ) ეგზემპლარად და ინახება მხარეებთან. თითოეულ მხარეს მიეცემა ხელშეკრულების თითო ეგზემპლარი.

9.2. წინამდებარე ხელშეკრულების რომელიმე მუხლის (ან მისი ნაწილის) ბათილობა არ გამოიწვევს მთლიანად ხელშეკრულების ბათილობას.

9.3. ხელშეკრულების მუხლებს წანამდგრებული აქვს სათაურები ხელშეკრულების ტექსტით სარგებლობის გასაადვილებლად და ეს სათაურები არ მიიჩნევა ამ ხელშეკრულების რომელიმე დებულების განმსაზღვრელად, შემცვლელად ან განმმარტებლად.

9.4. ხელშეკრულება არ შეიცავს რაიმე დამატებით სიტყვიერ შეთანხმებას.

9.5. ხელშეკრულებას თან ერთვის GE დომენის რეგისტრაციისა და სარგებლობის წესებისა და პირობები, რომელიც ძალაშია ხელშეკრულებასთან ერთად და წარმოადგენს მის განუყოფელ ნაწილს.

9.6. ხელშეკრულებას შეიძლება თან ერთვოდეს დოკუმენტები, რომელიც დაკავშირებულია მასთან და ასევე წარმოადგენს მის განუყოფელ ნაწილს (რეგისტრანტის მიერ ვებგვერდზე [www.registration.ge](http://www.registration.ge) შევსებული ელ. განაცხადი დომენური სახელის რეგისტრაციაზე). ყოველივე ზემოაღნიშნულის დასადასტურებლად, მხარეებმა საკუთარი უფლებამოსილი წარმომადგენლების საშუალებით ზემოთმითითებულ დღესა და წელს გააფორმეს წინამდებარე ხელშეკრულება.



**მუხლი 10. მხარეთა პასუხისმგებლობა ხელშეკრულების პირობების შეუსრულებლობისათვის**

- 10.1 ხელშეკრულების პირობების არაჯეროვანი შესრულებისათვის და ვალდებულებების შესრულების ვადაგადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0,02 %-ის ოდენობით.
- 10.2 ხელშეკრულების პირობების შეუსრულებლობის, ან ნაწილობრივ, ან არაჯეროვანი შესრულების შემთხვევაში, შემსყიდველს უფლება აქვს შეწყვიტოს ხელშეკრულება;
- 10.3 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან;
- 10.4 ხელშეკრულების ნაწილობრივ შესრულების შემთხვევაში, მიმწოდებელს დაეკისრება პირგასამტეხლო შესასრულებელი (დარჩენილი) ვალდებულების შესაბამისი ღირებულების 5 %-ის ოდენობით;
- 10.5 ხელშეკრულებით ნაკისრი ვალდებულებების შეუსრულებლობისათვის, ხელშეკრულების შეწყვეტის შემთხვევაში, მიმწოდებელს ეკისრება პირგასამტეხლო ხელშეკრულების საერთო ღირებულების 10 %-ის ოდენობით.

**11. მხარეთა რეკვიზიტები და ხელმოწერები**

მიმწოდებელი:

შპს "კავკასუს ონლაინ"  
საიდენტიფიკაციო კოდი: 211380833  
მისამართი: ქ. თბილისი, ვაჟა ფშაველას გამზ. 71  
ტელეფონი: 2970037  
საბანკო რეკვიზიტები: სს თიბისი ბანკი  
ა/აGE59TB0600000100467052, ბანკის კოდი: TBCBGE22

შემსყიდველი:

ა(ა)იპ „სატრანსპორტო ინფრასტრუქტურის მართვის სააგენტო“  
საიდენტიფიკაციო კოდი: 445405348  
მისამართი: ქ.ბათუმი, მელიქიშვილის ქ. N81  
სახაზინო ანგარიში: 740747499  
ტელეფონი: (0422) 21 21 89  
ელ.ფოსტა: transportis.saagento@gmail.com

ია ფერაძე  
.ge დომენის ადმინისტრატორი

შპს კავკასუს ონლაინ  
**დომენი**  
211380833  
**DOMAIN**  
Caucasus Online LLC

გიორგი ჩხეიძე  
დირექტორი

